

SPORAZUM O POSLOVNOJ SURADNJI

Zaključen dana 06.01.2020.godine u Sarajevu između JP Elektroprivreda BiH Podružnica „Elektrodistribucija“ Sarajevo (u daljem tekstu: „Elektrodistribucija“ Sarajevo) koju zastupa direktor Haris Trnka i Ministarstva za boračka pitanja Kantona Sarajevo (u daljem tekstu Ministarstvo) koga zastupa ministar mr. Ismir Jusko

I

Predmet ovog Sporazuma je realizacija projekta priključka na elektrodistributivnu mrežu stambenih jedinica šehidskih porodica, ratnih vojnih invalida i demobilisanih boraca, kao i uslovi, način i plaćanje po izvršenim radovima priključenja objekata na elektrodistributivnu mrežu, a u skladu sa budžetskim sredstvima predviđenim za ovu namjenu.

II

Šehidske porodice, ratni vojni invalidi i demobilisani borci kojima je potreban novi (prvi) priključak, a za koje Ministarstvo dostavi „Elektrodistribuciji“ Sarajevo saglasnost za plaćanje, imaju pravo na monofazni priključak, ako imaju svu zakonom propisanu dokumentaciju.

Troškovi monofaznog priključka sa uračunatim PDV-om iznosi:

1. $4,2 \text{ kW} \times 195 \text{ KM/kW} + \text{PDV} = 958,23 \text{ KM}$ i snosi ih Ministarstvo. Eventualne troškove iznad gore navedenih padaju na teret korisnika.

Cijena kW je određena u skladu sa Opštim uslovima za isporuku električne energije („Službeni novine FBiH, br.89/14“) i Odlukom FERK-a broj 07-02-977-01/34/14 od 22.12.2014.godine.

III

Šehidske porodice, ratni vojni invalidi i demobilisani borci koji su prije rata bili registrovani kao kupci električne energije, na mjestu povratka imaju pravo na besplatnu sanaciju monofaznog priključka. Troškove sanacije priključka za ovu kategoriju snosi „Elektrodistribucija“ Sarajevo.

IV

„Elektrodistribucija“ Sarajevo se obavezuje da će po dostavljenim preliminarnim spiskovima za priključak na elektrodistributivnu mrežu od strane ovog Ministarstva prethodno izvršiti provjeru stanja u smislu da li su predloženi korisnici sa spiskova ranije izvršili plaćanje priključka električne energije, te da li su već registrovani kao kupci električne energije na nekom drugom objektu na području Kantona Sarajevo.

Nakon provjere spiskova „Elektrodistribucije“ Sarajevo pismenim putem šalje povratnu informaciju, nakon čega će Ministarstvo dati konačnu Saglasnost za koje će korisnike izvršiti plaćanje priključenja na elektrodistributivnu mrežu.

Ministarstvo ne preuzima obavezu plaćanja za lica za koja predhodno nije dalo pismenu Saglasnost.

V

Za slučajeve za koje je Ministarstvo dalo saglasnost za priključenje, a za koje ne postoji tehnički ili drugi uslovi za priključenje, Elektrodistribucija pismenim putem šalje povratnu informaciju Ministarstvu, čime se ta saglasnost stavlja van snage. Kada se steknu uslovi za priključenje Ministarstvo će obnoviti svoju saglasnost u skladu sa raspoloživim budžetskim sredstvima.

VI

Ministarstvo će saglasnost davati u skladu sa predviđenim i raspoloživim budžetskim sredstvima te zadržava pravo da u slučaju nemogućnosti obezbjeđenja sredstava obustavi davanje saglasnosti, kao i da zatraži obustavu otvaranja novih radnih naloga po predhodno datim saglasnostima, te tamo gdje je moguće obustavi aktivnosti po otvorenim nalogima.

„Elektrodistribucija“ Sarajevo će po zahtjevu ministarstva dostaviti pregled otvorenih radnih naloga, obustaviti otvaranje novih, a u slučaju mogućnosti i obustaviti aktivnosti po otvorenim radnim nalogima koji nisu proizveli finansijske efekte.

VII

Ministarstvo se obavezuje da će izvršiti plaćanje po završenim radnjama iz tačke II i IV ovog Sporazuma, na osnovu ispostavljenih računa od strane „Elektrodistribucije“ Sarajevo u skladu sa dinamikom plaćanja putem Ministarstva finansija Kantona Sarajevo.

VIII

Sve eventualne nesporazume koji se jave po ovom Sporazumu „Elektrodistribucija“ Sarajevo i Ministarstvo će rješavati prvenstveno sporazumno u duhu dobrih poslovnih odnosa uzajamnog povjerenja.

U slučaju spora nadležan je Sud u Sarajevu.

IX

Nalozi otvoreni po ovom Sporazumu koji iz objektivnih razloga budu fakturisani nakon 31.12.2020. godine će biti plaćeni na osnovu ovog Sporazuma

X

Sporazum stupa na snagu danom potpisivanja, a odnosi se na period do 31.12. 2020. godine.

Sporazum je sastavljen u četiri istovjetna primjerka od kojih svaka strana zadržava po dva.

JP Elektroprivreda BiH
Podružnica „Elektrodistribucija“ Sarajevo



Haris Trnka

Broj: 03-63014/20
Sarajevo, 20.01.2020 2020. godine

KANTON SARAJEVO
Ministarstvo za boračka pitanja



mr. Ismir Jusko

Broj: 06-11-133/20
Sarajevo, 06.01.2020. godine

